



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1518509
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

26 դեկտեմբերի 2022թ.

Բ. Երևան
(կազմման վայրը)

Ակտի հասցեատեր

«ՀՐԱՆՏ ՖՈՒԴ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	6	9	6	3	8	9	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արմավիրի մարզ, գ. Գայ, Երևանյան փող. 45 3

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 07.11.2022թ-ի թիվ 1518509 որոշման համաձայն ՀՀ տարածքում մատակարարվող կամ տեղափոխվող արտադրանքի փաստաթղթային պարտադիր պահանջների խախտման հանգամանքների պարզաբանման նպատակով «Հրանտ Ֆուդ» ՍՊԸ-ի նկատմամբ իրականացված օպերատիվ-հետախուզական միջոցառումների արդյունքում ձեռք են բերվել փաստական տվյալներ առ այն, որ ընկերությունը օպերատիվ-հետախուզական միջոցառումների շրջանակներում առանց համապատասխան ուղեկցող փաստաթղթերի կատարել է ապրանքների մատակարարում:

Իրականացված ՕՀՄ-ի շրջանակներում պարզվել է, որ 16.12.2022-ին ժամը 12:30-ի սահմաններում Արմավիրի մարզ, գ. Գայ, Երևանյան փող. 45 3 հասցեում գտնվող ընկերության առևտրի կետից Արմավիրի մարզ, գ. Գայ, Երևանյան փող. 45 հասցեում առք ու վաճառքով զբաղվող ֆիզիկական անձանց ընկերության տնօրեն Հրանտ Սարկիսյանի կողմից բեռնասայլակով մատակարարվել է հետևյալ ապրանքները՝ 1. Մանդարին 4 արկղ 12 կգ-ոց, 1 կգ-ի արժեքը 220 ՀՀ դրամ (վաճառքի գնով)=10.560 ՀՀ դրամ, 2. Արքայանարինջ 5 արկղ 7 կգ-ոց, 1 կգ-ի արժեքը 260 ՀՀ դրամ (վաճառքի գնով)=9.100 ՀՀ դրամ, ընդհանուր 19.660 ՀՀ դրամ արժեքով:

Իրականացված ՕՀՄ-ի ընթացքում Հրանտ Սարկիսյանը գրավոր հայտնել է, որ մատակարարված ապրանքների համար տվյալ պահին չունի էլեկտրոնային եղանակով դուրս գրված հաշվարկային փաստաթղթեր:

ՀՀ ՊԵԿ տեղեկատվական բազայում առկա տվյալների համաձայն՝ 16.12.2022թ-ին ժամը 12:30-ի դրությամբ՝ ընկերության կողմից ընդհանուր 19.660 ՀՀ դրամ ապրանքների մատակարարման համար դուրս չի գրվել համապատասխան հաշվարկային փաստաթուղթ:

Թիվ 1518509 արձանագրությամբ 19.12.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 26.12.2022թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Հրանտ Ֆուդ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Հրանտ Ֆուդ» ՍՊԸ-ի կողմից խախտումը վերջին 1 տարվա ընթացքում կատարվում է է առաջին անգամ: Ապրանքների ընդհանուր գումարը կազմել է 19.660 ՀՀ դրամ, որի 50 տոկոսը կազմում է 9.830 ՀՀ դրամ, ուստի օրենսդրական պահանջից ելնելով «Հրանտ Ֆուդ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և «Հրանտ Ֆուդ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք՝	500.000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Հրանտ Սարկիսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հատուկ առաջման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)



ստորագրությունը

մղամենը 3 էջ